

《中國地方藝文薈萃》編委會 編

學苑出版社

中國地方藝文薈萃

第一卷·楚文圖卷

華東卷·第五輯

叁

中國地方藝文薈萃

《中國地方藝文薈萃》編委會 編

貴州師範學院內部使用

梁溪詩鈔五十八卷（三）

貴州師範學院內部使用

梁溪詩鈔五十八卷（三）

（清）顧光旭輯

據清嘉慶元年（一七九六）雙橋草堂刻本影印

梁溪詩鈔目錄卷之十

明萬歷

孫少宰繼臯 九首

鄒學使迪光 二十一首

嚴司寇一鵬 二首

萬中丞象春 五首

顧端文公憲成 七首

許孝廉世卿 二首

安光祿希范 五首

顧光祿允成 四首

葉司空茂才 八首

尤別駕鏜 二首

葉山人之芳 九首

安上舍紹芳 二十五首

談信余修 一首

顧秀才道淳 一首

顧秀才道涯 一首

顧上舍道泰 四首

先六世祖南邗公四首 道潔

顧隱君冶 四首

顧秀才道瀚 一首 以上共十九人

梁溪詩鈔卷十

梁溪顧光旭華陽氏集

明

孫少宰繼臯

字以德號栢潭萬曆甲戌進士第一人官至吏部左侍郎有孫少宰集立朝十五年公忠潔已未嘗受一錢故事典內外制以潤筆餽不盡謝絕公曰以絲綸市吾弗敢也旣佐銓益矢冰蘖卽同榜同籍問遺無及門者至矢之曰以分文進有如日福清

葉公時在成均有屬吏公筆硯友也求內
遷葉爲言於公公謝曰此銓郎事卽故人
何敢私其公正如此凡所奏疏不下三四
十上論銓政論旱蝗請立儲撤礦使救諸
譴謫言官救曹直指學程爲衙門辨誣爲
小官釋累皆侃侃切直無所避諱最後孝
安皇太后祔昭陵上稱疾不攀送舉朝不
敢言公獨然燭草疏極諫大畧謂皇上綱
常之主典禮之宗皇上不出宮眷必不得
帷而至午門神帛朝祖必且降而藉手於

奠獻使宮眷卽不送其小者也神帛何帛
朝祖何事奠獻使何人而猥令褻瀆不知
母后之神靈肯於帛乎憑依否耶列聖在
天之靈肯於使乎降鑒否耶古人於親喪
雖小物細微必誠必敬必躬必親今却於
大處不無虧缺臣爲皇上重惜之上震怒
抵之地吏科劉道亨知聖眷已衰乘機誣
之公疏辨鑿鑿本云臣奉公守法差足自
信如曾私親故一人甘懸首市曹毋論它
縉紳交游曾受同年同鄉書帕分文決陷

屍河海皇天在上明神在旁擠則擠耳何
至并其硜硜拙守而污巖之自是一月內
請罷者一辭印者三杜門上章堅乞骸骨
上亦堅持之待命至經年不報會兩宮災
公求去益力得移疾歸丁外艱苦寒徒跣
扶柩而南墨面柴骨時躓且仆哀感行路
舟渡江京口已聞從大江入孟河將至圖
山颶風大作浪入舟左躍右出鬼怪晝見
公撫棺長號籲天叩禱舟忽疾馳若飛遂
濟回顧賈舶半沒風濤矣長年相視嘻曰

非公孝感吾屬其魚乎抵家復晝夜哭不絕聲逾年劉淑人逝益痛割其內堂堂次匍匐涕泣處黯黯方二尺許地若髹漆然比至葬哀毀幾滅門生陶燧曰先生之立身致主皆自孝出初第時見江陵不奔父喪心不平倡沈吳趙三公上疏孝也知交以二親無他兒此疏必貽老人驚憂苦勸且曰果爾罪乃甚於奪情不得已中止不上亦孝也卽太后大行已屆主上典禮有缺而言舉朝所不敢言亦孝也

送李山人

故人驄馬客春盡一書來分茗供幽事論詩得異
才林塘堪下榻風雨且深盃茗水逢新漲孤帆何
處開

夏日臥病

不淺烟蘿興塵中亦掩關詩情消白日病骨傲青
山野霍焚香下閒雲散帙還浮名將薄宦吾意有
無間

偶爾成幽賞居然得隱心月簷松樹迴門徑棗花
深竊祿從賓戲論詩許客尋浮生元不薄何必定

抽簪

萬事堪高枕，官衙况薜蘿。
閉門元草歇，開牖白雲過。
竹翠晴猶濕，荷香晚更多。
陸沉翻自愛，不復厭婆娑。

乞假辭朝謁耽幽，學隱淪病翻。
思客至問不厭官，貧高樹團晴。
靄穠花戀晚春物，華偏在眼肯惜酒。
盃類

送周計部餉邊

大漠平連薊，北天向來前。
箸急籌邊將軍已，佩通侯印使者仍。
輸太府錢幾處，鼓鞳聞落日何年烽。

夢溪筆談卷一
火避甘泉君行會有匡時畧試問金城室下田

陸華甫自新都歸陽羨別業枉顧惠山

踏遍滄江一布衣故人相見白頭稀身如陸羽嘗
泉至家近張公指洞歸穀雨過時宜茗椀松雲長
日在荆扉逢君愛問山中事塵世浮名有是非

吳江夜泊

津亭晚泊客心孤暝色山光乍有無水郭帆檣依
雁鷺人家燈火亂菰蒲天寒雪霰歸雙鬢歲晏烟
波隔五湖城裏歌鐘知幾處錦堂華燭醉醞醞

題季參知園

未老能辭祿爲園不出城石頭攢樹合湖水應潮
生仙梵隣僧送春衣野客迎鶯花新歲夢雞黍隔
年情杯酒占星聚笙歌渡月明頻過倘不厭吾亦
薄浮榮

鄒學使廸光

字彥吉甲戌進士授工部主事官止湖廣
提學副使擅衡鑑楚士服而歸之生祀濂
溪書院以吏議罷送者數千人是時學使
年纔強仕意不自得乃歸治園亭慧山之
麓所謂愚公谷者極聲妓觴詠之樂垂三

十年自謂君平棄世世棄君平逃於禪悅
以自寄故其園中臺池亭榭多半以禪語
名之如菩提場流梵渡九蓮臺七徵齋六
通楹頻伽嶺塔照亭彌樓窟香菰廩寂光
土摩黎舍四照闕甄叔迦閣之屬不數傳
而化爲平壤惟所著集數種合三百餘卷
當時幾與婁水禽闕後先狎主文壇世自
有知者詩綜所收恐亦未盡彥吉之長

壬子人日服除襲吉有作

此日名爲人深情鬱何已將慙養志參空羨趨庭